

## **KPI pendidikan boleh dicapai dengan beberapa pengubahsuaian - NUTP**

KUALA LUMPUR 2 Ogos — Kesatuan Perkhidmatan Perguruan Kebangsaan (NUTP) berpendapat Petunjuk Prestasi Utama (KPI) sektor pendidikan adalah realistik dan boleh dicapai dengan beberapa pengubahsuaian, kata Setiausaha Agungnya Lok Yim Pheng.

Beliau berkata pengubahsuaian perlu dilakukan dalam membentuk dan membangunkan kandungan kurikulum berkualiti termasuk kemahiran dalam bahasa Inggeris.

Fokus perlu diberikan kepada pendidikan prasekolah bagi memastikan kanak-kanak diajar tiga perkara asas iaitu membaca, menulis dan mengira.

Kesatuan berasa bersemangat apabila cadangan kesatuan untuk menjadikan pendidikan prasekolah sebagai sebahagian sistem pendidikan kebangsaan diterima kerajaan dan dijadikan satu daripada KPI, katanya kepada Bernama. - Bernama